

555159

四川通志

四川通志

勦國英征之敗成齋於雅州擒斬之餘悉降黎雅

平

康熙元年壬寅冬十二月

上命總督李國英統領湖廣陝西河南四川四省官兵會

剿茅麓山賊李來亨袁宗第等國英至夔府道路

榛莽伐木開道以進大兵奪羊耳山宗第遁入深

箐我師屯七里壩宗第屯茶園坪山勢陡絕諸將

攀藤而上宗第敗走巴東大兵追及巫山遂據其

城衆議移守夔門國英計巫山地勢卑狹雖不便

四川通志 卷八十二 武備 武功 七

馳驟可利固守於是深溝堅壘具砲石城下樹梅

花椿賊主不得進椿外挑品字坑又於城外高處

立敵樓以防偵探具甫備郝永忠劉體純合數萬

衆攻巫山甚急我兵出戰體純等敗走適陝西會

剿兵主陳家坡奪老木空體純自縊大兵乘勝追

至黃草坪永忠宗第皆投首惟李來亨居茅麓山

高險難攻我兵四面圍之來亨出入地名通梁路

徑陡絕我師棄大霧未開遂奪通梁來亨力窮勢

迫八月初六日焚其妻子自縊茅麓山遂破餘衆

馬騰雲拓天寶王光興俱投誠李自成張獻忠二
賊餘孽及十三家賊至是誅滅殆盡總督李國英
凱旋重慶全川俱入版圖

康熙十三年甲寅吳三桂僞總督王公良率僞將

軍王鳳岐劉之衛等據夔州逾六年庚申四川總

督楊茂勲率師由楚江峽路逆流而上破巫山揚

帆直進抵夔州兵不血刃羣逆遁去遂復夔州

康熙十八年己未冬十二月吳三桂賊黨吳之茂

潛兵白水壩勇署將軍趙良棟討之抵白水賊阻

四川通志 卷八十二 武備 武功 八

江對壘十九年庚申正月初一日官兵渡江直入

擒斬千餘人追至青川賊伏石峽官兵四面攻擊

自未至酉殺賊無數龍安餘賊望風投降降良棟乘

勝追剿二十四日克成都之茂奔保寧良棟發兵

各路招撫二十年辛酉三月逆黨胡國柱等復踞

關山相嶺良棟同將軍紀哈禮率總兵鄒九疇等

三路進剿箐口站周公橋皆賊營官兵破之抵土

地橋賊憑關抗拒大兵分爲兩翼勦力攻之賊衆

大潰良棟遣兵乘夜攀崖直上關頂奮勇督戰克

復關山象嶺黎州諸地陣斬四千餘級復戰於大渡河口斷賊歸路賊被攻急投降建昌一帶遠近聞風相率輸誠

康熙十九年庚申賊黨王升藩陷漢中據保寧奮威將軍王進寶討之戰於武關身先士卒所向無前賊潰進寶直抵保寧府藩殺死擒賊將吳之茂叛將譚宏走先餘黨約降猶據城觀望進寶單騎馳入大呼曰我仁義將軍也降者待以不死衆賊感泣歸命遂定關中

四川通志

卷八十二

武備

武功

九

平定金川

乾隆十二年大金川土酋莎羅奔攻圍革什咱土司日隆地方遂侵鄂克什小金川土舍良爾吉助之威茂協副將馬良柱帶兵擊之殺賊番千餘人解日隆圍進軍達至小金川土司澤旺土舍良爾吉投誠獻金川所攜鄂克什男婦四十餘人良柱進至美諾十三年

上命協辦大學士傅恆率四川提督岳鍾琪經畧大金川

初小金川土酋良爾吉土司澤旺弟勾結莎羅奔

襲小金川擒其兄澤旺釋妻阿扣莎羅奔姪女素通良爾吉莎羅奔即以妻之令轄小金川土民傳恆抵軍營擒良爾吉蠻婦阿扣伏誅軍至撒卡岳鍾琪由黨壩進勦奪其碉樓四十七處莎羅奔懼乞降納款大金川平

乾隆二十年孔撒麻書兩土司構釁金川緯斯甲布助麻書革布什咱德爾格忒上瞻對中瞻對助孔撒互相袒護發兵助之金川緯斯甲布各遣頭人帶兵至孔撒嘉齊山焚其碉房遂圍革布什咱

四川通志

卷八十二

武備

武功

十

丹東官寨及格羅斯喇嘛寺革布什咱求援於明正土司拉小金川及鄂克什總督黃廷桂提督岳鍾璜令懷遠營都司宋元俊出口傳集各土司諭令罷兵各頂經立誓而還

乾隆二十三年金川革布什咱因結親構釁革布什咱番衆潛附金川將土司色楞敦多布及小金川土司澤旺之子僧格桑逼入吉地官寨圍攻小金川土兵救之迎僧格桑回吉地圍解色楞敦多布移住沙中嗣大金川復勾通布拉克底土司及

色楞敦多布之叔庸中旺嘉勒帶兵攻圍丹東吉地據之並揚言欲攻巴旺及小金川大金川番人在明正司地方縱放夾礮傷人明正土司獲之因挾嫌並欲攻明正土司遣頭人具稟該管官員以伊女嫁革布什咱革地求應歸伊掌管以圖召併旋經緯斯甲布巴旺及明正土司屬章谷土千戶領兵救援革布什咱大金川番人焚古地官寨遁走布拉克底旋侵佔丹壩土舍地界進據瑪讓緯斯甲布土司救之大金川番人退回

四川通志

卷八十二

武備

武勇

十一

乾隆二十八年總督開泰奏鄂克什緯斯甲布丹壩革布什咱小金川巴旺梭磨卓克柔從噶克九土司請攻勦金川旋奉

旨以阿爾泰為四川總督

欽差大臣阿桂來川相機督率勦辦

乾隆三十年大金川番酋郎卡復攻據丹壩額

山梁奉

上諭命總督阿爾泰親往督辦大金川番酋郎卡復退還

額碩入口旋以女與小金川土司澤旺之子僧格

桑為婚

乾隆三十五年小金川土司澤旺因鄂克什土司色達克拉用邪術喇嘛詛咒澤旺父子發兵攻共寨落經總督阿爾泰提督董天弼起鄂克什所轄之達木巴宗傳集小金川土司開導復退還所佔鄂克什壘穆爾吉等處地方甫浹旬復攻圍鄂克什並侵據明正土司河西納頂等處

四川通志

卷八十二

武備

武勇

十二

乾隆三十六年革布什咱土司色楞敦多布待下苛刻娶大金川女不和土婦故所帶頭人疑土司暗害恨之該土司赴熱水塘坐湯各頭人勾連大金川番酋索諾木發兵據共寨殺之

上以兩金川狼狽為奸兇狡不法

命總督阿爾泰提督董天弼率兵進勦先問罪於小金川

八月十六日總督阿爾泰由南路章谷巴旺二

帶進兵提督董天弼同總兵福昌由西路臥龍關山神溝小路進兵西路兵與賊番相持於德爾客不能深入

上命福昌駐守山神溝一帶以綴賊勢

命董天弼馳赴南路阿爾泰軍營會商進剿並

命大學士溫福參贊大臣五岱內大臣阿桂撤經畧雲南

緬匪之入旗勁旅並貴州川省官兵赴川會剿又

命戶部侍郎桂林馳驛前往會同辦事初

上以阿爾泰遲緩候事

命德福為四川總督旋經德福阻撓軍務降三等侍衛聽

差伊犁以文綬為四川總督九月南路遊擊宋

元俊參將薛琮等率巴旺巴底土司收復小金川

所佔明正土司之納頂邊谷碉寨一百五十餘所

四川通志 卷八十二 武功 三

進攻小金川之約哨殲斃賊番數十人十月南

路遊擊宋元俊收復明正土司所先仲濃等五寨

及碉樓七百餘所並攻破小金川噶忠等處地方

殲斃大頭人一名小頭人二名賊番二百餘人遂

進兵小金川約哨大寨奉

旨宋元俊遇有川省副將缺出卽行奏補 十八日大學

士副將軍溫福由滇入川至成都 二十四日董

天弼改道東路由堯積攻破甲金達地方據牛廠

遂進兵達木巴宗二十七日溫福令隨帶之雲南

昭通鎮總兵馬彪領黔省官兵赴福昌軍營以備

攻勦調成都滿兵四百名赴董天弼軍營接應

十一月以桂林為四川總督 十二月西路溫福

五岱進兵至巴朗拉 十五日西路溫福五岱進

攻巴朗拉破大碉六座殲斃賊番數百名 二十

日南路桂林阿爾泰率宋元俊薛琮等攻破約哨

繫其頭人奉

旨宋元俊賞給總兵銜薛琮等交部從優議敘旋因福昌

革職奉

四川通志 卷八十二 武功 四

旨以宋元俊為松潘鎮總兵時

上以東路董天弼在甲金達山梁逗遛不進着革職以阿

桂為四川提督天弼旋抵達木巴宗解鄂克什之

圍 二十三日南路桂林率宋元俊等進攻卡丫

破碉寨二十八座殺賊番九十餘人 二十八日

南路桂林阿爾泰率總兵宋元俊都司李天佑等

攻破卡丫奪石碉六十餘座進兵郭松甲木率

旨宋元俊賞戴花翎李天佑遇有副參缺出越次奏補

二十九日南路桂林阿爾泰率將弁攻圍郭松甲

本斷賊水道賊番潰圍走官兵追勦殺賊多名破
大小礮房三十餘座擇其完整勢居扼要者派兵
駐守

三十七年正月南路桂林率將弁渡小金川河西
齊集甲木合攻噶爾金破之鎗斃紅衣頭目一名
奪礮房十餘處遂偵探道路以期直抵僧格宗
二十五日西路溫福五岱東路阿桂合兵自達木
巴宗進勦賊番於斯底葉安破其礮卡殺賊三百
餘名賊竄入資里寨是日總兵牛天昇獲大金川
四川通志卷八十二 武功 主

賊犯一名沙里俱大金川索諾木派九寨番人七
百餘名來救小金川奏明將沙里正法奉

旨抗拒賊番不必別其為大小金川概與駢誅二月初

六日大金川逆酋索諾木發兵助逆要求革什咱

地方南路桂林奏請派總兵宋元俊帶兵赴巴旺

一帶進兵收復革什咱地方進勦大金川以率制

其師時參贊五岱有罪革職

命

御前大臣公豐昇額固倫額駙色布騰巴爾珠爾為參贊

大臣前往軍營三月資里賊番據險固守西路
阿桂赴北山進兵攻小金川賊酋澤旺所居之底
木達澤旺格桑以斷大金川接應之賊旋

命參贊豐昇額同阿桂合營

初六日南路桂林所派宋元俊李天佑等率兵由
章谷渡河據格藏橋參領三通保等率兵由巴旺
取藏布覺等處地方革什咱番人內應合攻殺賊
番三百餘人收復革什咱地方七十餘里元俊等
疾赴熱資溝堵截大金川救兵來路守備陳定國
四川通志卷八十二 武功 主

帶綽斯甲土兵奪甲爾壘壩分截之初八日南

路桂林所派宋元俊由熱資溝進兵破吉地條革什咱

所失官寨大金川火攻燒死賊番一百餘名殲斃
賊番於中固守

四十餘名遂赴丹東進勦初九日西路溫福阿

桂分路督同侍衛巴圖魯額森特彰寶等攻克資

里據其礮寨令董天弼守之進兵阿喀木雅十

一日西路溫福率將弁攻克阿喀木雅進兵普爾

瑪及美美卡等處皆鄂克什所失舊寨四月十九日南路

桂林督將弁攻克墨隴河達烏等處番寨奪礮房

六百餘座殺賊番六百餘名 二十二日南路突
元俊攻克丹東殺大金川賊番頭人一名番眾七
十餘名收復革什咱地方三百餘里民戶二千餘
同日南路桂林又攻克格烏等處進兵僧格宗
小金川 二十五日南路桂林以分道墨隴溝進
地方 兵失利奉

旨革職

命固倫額駙福隆安前往審辦以阿爾泰署理四川總督

并

四川通志 卷八十二

武備

武功

七

命阿桂馳赴南路帶兵 五月西路溫福豐昇額等督兵

分道攻美美卡一帶賊礮喇卜楚克一路破石礮

十八座瑪爾迪克一路破石礮二十二座 六月

西路董天弼與遊擊沈寬帶領三雜谷土兵由會

頭溝北路進剿 按西路軍營以鄂克什為正路會

了為正路綽斯甲革 二十二日南路阿桂督兵

由墨隴溝開道攻克甲爾木山梁破石礮石卡二

十餘座進兵格魯克古扼大金川來路 八月

十日西路溫福豐昇額督兵擊破美美卡大礮成

番潰南北兩山賊卡皆焚燒逃竄遂進兵過喀爾
橋抵鄂克什舊寨 同日西路董天弼由會頭溝

至納雲達進取小金川大板昭 九月初六日西

路溫福進兵至路頂宗豐昇額督兵由兜烏領隊

大臣海蘭察等由策卜丹分道進剿 初八日西

路董天弼進據小金川之咱嗎山 十月十二日

南路領隊大臣舒常進兵至宜喜山破賊礮二

同日南路阿桂督頭等侍衛明亮進兵登真梅列

破賊番礮卡 斷僧格宗運糧之路連築卡座守之

四川通志 卷八十二

武備

武功

太

二十三日西路溫福豐昇額督兵攻克路頂宗

破賊番石礮三百餘開進逼兜烏 十一月初三

日南路阿桂督兵由甲爾木山夜襲賊礮破之乘

勝轉戰至翁古爾壘奪其大木城一座礮寨一百

餘間 初六日西路溫福豐昇額督兵由兜烏攻

達克蘇山奪其大礮遂進攻明郭宗 十三日南

路阿桂由翁古爾壘進兵攻克邦甲拉宗進兵拉

約宅壘賊番乞降收其二百餘戶 十四日南路

舒常攻克日旁山賊礮 十五日南路阿桂進兵

僧格宗奪其大礮收獲降番六百餘人石礮七百餘座遂進兵達烏 十七日西路溫福豐昇額破明郭宗奪賊礮十二座西南兩路官兵音信可通不日合兵會剿奉

旨命侍郎福康安齋印赴金川校溫福爲定邊將軍阿桂

豐昇額爲副將軍福康安卽以領隊大臣留駐軍

營 十二月初五日阿桂督兵擊破美諾大寨各

礮全行攻取殺賊番百餘人擒獲喇嘛及男婦三

十餘人訊知僧格桑逃往布朗郭宗遂招撫美諾

四川通志 卷八十二

武備

武功

九

以西之彭魯爾八寨北至別思滿寨東至汗牛寨

等處地方阿桂駐美諾經畫後路事宜溫福豐昇

額由美諾進兵 初八日溫福豐昇額督兵自美

諾至噶爾角克番寨番人迎降 初十日溫福豐

昇額進兵至布朗郭宗僧格桑由美臥溝逃往大

金川遂進克底木達擒逆酋父澤旺解京 十二

日董天弼進兵攻克大板昭與將軍台營卽令駐

布朗郭宗底木達等處防範後路 二十五日溫

福帶兵由西路功噶爾拉大路取大金川噶拉衣

阿桂帶兵由南路當噶爾拉旁路取噶拉衣豐昇額與舒常帶兵由北路繞斯甲土司地方取勒烏

圖

三十八年正月二十二日南路阿桂督兵取正地

溝甲爾壘壘破賊礮十餘座 時阿爾泰有罪革

職拿問以侍郎劉秉恬爲四川總督駐美諾督備

西路糧運鄂寶駐綽斯甲後路督備北路糧運文

綬富勒渾於成都督催糧運前赴金川 二十九

日溫福督兵攻功噶爾拉破賊卡二座復繞進佔

四川通志 卷八十二

武備

武功

辛

據木果大山梁督攻昔嶺賊礮 六月初七日大

金川賊番勾通降番阻截糧運襲破底木達布郎

郭宗董天弼戰死遂至將軍後路溫福於昔嶺軍

營失利陣亡參贊大臣海蘭察撤兵駐日隆泰

旨命阿桂由章谷整兵而出再圖進剿 時劉秉恬以疎

防後路奉

旨革去總督暫留翎頂稽查隘口督催海蘭察後路糧餉

以富勒渾爲四川總督赴南路帶兵爲阿桂聲援

七月初一日以阿桂爲定邊將軍阿桂收西南

兩路降番軍械毀其礮卡悉調番眾來營以絕響
應率副都統奎林副將劉輝祖劉休等與番人力
戰親爲之殿撤師雷兵嚴密分防當噶爾拉後路
並章谷吉地等處駐兵翁古爾董籌辦進剿十
六日豐昇額駐兵日旁宜喜軍營嚴防北路隘口
鄂寶駐覺木交辦理宜喜軍糧五福駐黨壩嚴防
東北路隘口改授阿桂爲定西將軍由驛傳途印
信至軍營色布騰巴爾珠爾爲參贊大臣明亮爲
南路副將軍富德爲參贊大臣豐昇額仍爲北路
副將軍駐防日旁宜喜軍營十月二十九日西
路將軍阿桂派海蘭察常青帶兵八千名由達木
巴宗北山取道攻斯達克拉等處以壓別斯滿派
富興烏什哈達等帶兵三千名攻普爾瑪美美卡
等處派成德等帶兵四千名由南山繞進以取阿
喀木雅阿桂自將中路官兵派額森特等帶兵一
千名由資里北山進攻海祿等帶兵一千名由資
里南山進攻中路前鋒額森特進兵奪資里橋破
賊卡以渡官兵北路富興進兵破普爾瑪美美卡

四川通志

卷八十二

武備

武功

三

等處額森特富興合兵與南路成德三路官兵奮
擊阿喀木雅大礮破之北路海蘭察攻克斯達克
拉等處由北山而西下壓賊礮賊番大潰遂乘勝
取木蘭壩進兵攻鄂克什官寨據之賊番遁入路
頂宗北山兵繞出西路賊礮後賊遂潰從番弁穆塔爾請也同日南路將
軍明亮派富德爲一路奎林爲一路三寶爲一路
帶兵由墨壘溝進剿富德攻破喇嘛寺日寨奎林
攻破得里山賊礮三寶攻破布甲賊番皆遁并將
所得要隘派兵防守時四川總督富勒渾到東
佑按察使郝碩籌辦西路將軍阿桂糧務侍郎鄂
寶前布政使顏希深籌辦北路副將軍豐昇額糧
務侍衛桂林按察使李世傑籌辦南路副將軍明
亮糧務十一月初二日西路阿桂派額森特等
夜襲路頂宗克之海蘭察攻別斯滿各寨破之富
興攻兜烏山與海蘭察合兵進逼噶爾角克等
寨克之額森特攻明郭宗克之遂合兵進攻美諾
大寨克之并將所得隘口雷兵駐守小金川竊掠
美諾之賊酋七圖安都爾遁同日北路豐昇額

四川通志

卷八十二

武備

武功

三

由宜喜進兵攻克沙壩賊碉旋奉

命豐昇額率副都統書麟五岱等帶兵馳赴東北之黨壩

進兵會剿雷舒常駐兵宜喜以牽綴大金川賊番

後路 同日南路明亮攻克拉約等處地方收降

番多人 十一日西路阿桂克復底木達布朗郭

宗從美諾至大板昭會頭溝二百餘里地方番寨

於望風乞命東南一帶由木坪土司遵諭汗牛各

寨番人各守巢穴不敢二心並將小金川降番分

往各土司屯弁地方分別安插西路阿桂改道由

四川通志

卷八十二

武備

武功

三

谷噶及凱立葉地方進兵南路明亮由馬奈及馬

爾邦進兵北路豐昇額由黨壩至卓克采土司之

孟拜拉進兵遂佔據薩爾赤郭羅山合軍凱立葉

時奉

旨命雲南提督常青副都統成果帶兵駐美諾為後路聲

援

三十九年正月初九日西路阿桂派海蘭察等進

兵搶據谷噶山梁額森特進兵搶據色依谷山梁

與北路舒常駐兵之宜喜南路明亮進兵之馬爾

邦西路豐昇額分剿進兵之凱立葉山梁聲息相

通計入大金川賊境一百餘里 同日南路明亮

督兵進攻馬奈殺賊番數十名賊番五碉盡潰克

其木城二座 十一日南路明亮攻克馬奈大寨

四十餘處進兵斯第博堵 十三日西路阿桂督

兵進攻喇穆喇穆克賊碉四座殺賊多名奉

旨豐昇額雷兵凱立葉軍營為犄角之勢即赴谷噶與阿

桂會剿 二十三日西路阿桂由羅博瓦山進兵

攻克賊番大碉八座殲斃大頭人二名殺賊番二

四川通志

卷八十二

武備

武功

三

百餘名遂截斷喇穆喇穆賊番來路 二月二十

四日西路阿桂督兵攻喇穆喇穆之羅博瓦山奪

賊大碉八座殺賊番二百餘人奉

旨將軍阿桂晉太子太保參贊海蘭察授內大臣普爾普

額森特授散秩大臣 三月初七日賊番大頭人

嘉木阿中雍中朋等率四寨番人來襲為傾隊大

臣額森特等痛剿殲斃嘉木阿中雍中朋及賊番

數百名 四月十七日西路豐昇額雷五岱守凱

六月十二日西路阿桂豐昇額督兵攻羅博瓦山之色棚普奪賊戰礮十一座平礮四十餘座殲斃大頭人達實策旺等殺賊番二百餘名 二十日西路阿桂豐昇額派額森特等帶兵攻色棚普南山賊礮派普爾普等帶兵攻喇穆喇穆東山賊礮海蘭察等帶兵攻喇穆喇穆西山最險大礮海蘭察先登直入賊礮破之火焚木城二座賊盡就殲各路官兵齊進攻破賊礮三十六座平礮五十餘座殺賊番數百名海蘭察率官兵循喇穆喇

四川通志 卷八十二 武備

五

穆山梁乘勝進攻克日則了口各礮進逼遙克爾宗 七月初四日南路明亮帶兵改道由綽斯甲地方進兵達爾圖山繞出馬爾邦後攻破賊礮七座遂由俄城至宜喜山梁札營與阿桂大營相望西南兩路皆通 初五日阿桂豐昇額督兵過喇穆喇穆山梁攻克該布達什諾賊礮 十七日阿桂豐昇額派成德等帶兵進攻該布達什諾木城烏什哈達帶兵進攻木城水卡普爾普等帶兵進攻山南礮卡額森特帶兵進攻正面大礮海蘭

察帶兵潛繞木城夾擊各路官兵奪礮卡二十餘座燒毀附近各寨七十餘處合兵進圍遙克爾宗 同日明亮督兵攻克木克什山賊礮 八月十五日阿桂豐昇額督兵攻擊遙克爾宗用礮車轟塌大礮賊挖地坑死守大金川頭人綽高斯甲跪稱僧格桑已死獻上逆酋屍匣並僧格桑妾側累及小金川頭人蒙固阿什咱阿拉七都安都爾等訊驗僧格桑屍身屬實割取首級遞成都省城交文綬暫存候鞫獲索諾木並頭人等一併獻俘

四川通志 卷八十二 武備

五

九月十一日分防凱立葉之副都統五岱書麟等擊來襲營卡賊番數十名于莫爾敏山賊遁去將軍後路無虞 十月十六日阿桂豐昇額改道由默格爾進兵攻克賊礮三座派瑚尼爾圖等進佔日爾巴當噶高峯派海蘭察等進佔密拉噶拉木高峯下壓賊礮奪大礮一座石礮四座遂進兵凱立葉官寨殺賊番一百五十餘名大小礮案二百餘閒前抵勒烏圖賊寨二十里奉

旨海蘭察額森特均授參贊大臣 十九日阿桂豐昇額

進兵將日爾巴當噶山梁賊礮全行攻克所有凱
立葉上下山梁礮卡附近寨落掃除淨盡遂與五
岱官兵會合奉

旨將軍阿桂授

御前大臣賞戴雙眼花翎

御前侍衛上行走額森特在

乾清門侍衛上行走 二十三日明亮督兵由日勿山

進兵克大礮二座戰礮二十餘座平房一百餘間

十一月阿桂豐昇額分兵駐守日爾巴當噶探

四川通志

卷八十二

武備

武功

七

路自梁噶爾博山陰西至格魯克古連破作固頂

穆爾津岡各大寨轉戰五十餘里殺賊番二百餘

名克獲戰礮五十餘座大金川東北一帶賊番勒

除淨盡遂與丹壩官兵會合總兵五福率兵隨營

會剿

四十年正月十二日阿桂豐昇額攻克康薩爾賊

番大礮五座掃盡山梁賊寨 二月十六日阿桂

豐昇額督兵夜襲甲爾納堪布卓沿河礮寨官兵

暨雲梯而上破之遂直逼大金川河 三月二十

五日阿桂沿山督兵派烏什哈達等攻大思工將

克子口山峯木城礮座派曹順等攻山峯右手礮

座穆合納等攻山峯左手礮座派書麟等各路接

應派總兵達色等截殺各處來援賊番派富興等

攻勒吉爾博山梁寨古羅礮寨豐昇額沿河督兵

派額森特等攻翠尼礮寨額爾特等攻來珠寨西

德等助遊擊靈山等攻河邊各寨官兵奮勇齊登

同時攻克 同日明亮督兵由河北從宜喜進攻

甲索海蘭察移兵會剿奪大礮九座直至河沿與

四川通志

卷八十二

武備

武功

天

西路官兵隔河相對日勿沙壩斯年木咱爾等處

寨落番人均遁 四月初九日明亮督兵攻克甲

索奪戰礮十餘座殺賊番二百餘人 十四日明

亮海蘭察督兵由薩克薩谷環攻沿河五十餘里

番寨大小數百餘處賊番盡就殲除海蘭察仍赴

阿桂軍營 二十三日阿桂豐昇額海蘭察額森

特等攻克下巴木通礮直抵噶爾丹寺 同日明

亮督兵攻克茹寨 五月初五日明亮督兵攻克

巴布里 初六日阿桂豐昇額等督兵攻克噶朗

噶賊寨并噶爾丹寺一帶寨落一百餘處戰礮三十餘座寨房二千餘間阿桂進兵勒烏圍繞出遜克爾宗之前豐昇額分兵攻遜克爾宗 初九日明克攻克巴什舍各礮寨隔河遙應西路官兵架礮周防治河以斷賊人往來之路 十二日阿桂自榮噶爾博進兵直逼勒烏圍豐昇額督兵攻克遜克爾宗奪石礮十二座奉

旨果毅公豐昇額加封繼勇果毅公 六月初三日阿桂

督兵於榮噶爾博山峯率木柵九座平對賊礮又
四川通志 卷八十二 武備 武功 完

對巴占賊寨率木柵二座步步進攻 七月初三日豐昇額海蘭察督兵由遜克爾宗過苗則大海至章噶山繞出勒烏圍之南榮噶爾博山後進擊遂越昆色爾山果克多山攻克拉枯喇嗎寺乘勝至苗則海攻燒礮寨一百三十餘處殺賊二百餘人進逼章噶山賊礮 同日明亮攻破石真噶賊礮進兵噶西喇嗎寺 初九日阿桂豐昇額督兵攻克章噶山賊礮上下寨落二十餘處全行燒毀賊番額洛木寨頭人革什甲木參等帶領番人二

十戶投降喇嘛科爾頭人雍中帶領番人二十戶投降什爾德寨頭人丹比西拉布領番人二十一戶投降統計六十一戶男婦大小二百二十名將家口安移內地雷該番在營隨同打仗並令其隨機招撫番人又金川頭人阿布僧格太絨布僧格俱帶領番人於明亮軍中投降 十二日阿桂豐昇額督兵攻克榮噶爾博九峯賊礮巴占上下賊寨乘勝進至冷角寺攻克大小礮卡木城一百四十餘座喇嘛寺一所寨房一千數百餘間殺賊番

四川通志 卷八十二 武備 武功

辛

三百餘名遂進攻勒烏圍之轉經樓 八月十六日阿桂豐昇額派兵沿河挈柵以截賊番水路沿山囊土砌造木柵以截礮下賊番并開地道埋伏地雷轟擊挖溝抗拒賊番復運大礮轟擊要路之甲爾日碌橋道遂督海蘭察自勒烏圍寨東南進攻福康安特成額等自西北進攻普爾普等自正南進攻五岱等自東北進攻保寧等自轉經樓進攻官兵四合奪據甲爾日碌橋攻克勒烏圍大寨並轉經樓喇嘛寺共克礮房寨落木城石卡六十

餘座殺賊番數百餘人逆酋索諾木及老土婦阿
倉助逆弟兄莎羅奔岡達克等已先期逃往噶拉
依阿桂派額森特雷守勒烏圍後路遂督各路官
兵進剿噶拉依 九月初九日阿桂豐昇額督兵
分道進攻達烏達圍當噶克底達思里噶拉宇莫
魯古一帶地方獲礮五十餘座寨落五十餘處殺
賊番數百名殲斃大頭人克納阿庫魯 十月初
七日明亮督兵攻克什札古賊礮復攻克札烏古
山梁 初八日阿桂豐昇額督兵攻克達噶木山
四川通志 卷八十二 武備 武功 三

古什拉斯一帶賊礮 十二月初三日阿桂豐昇
額攻克勒俄勒木通大礮十餘座進逼格隆古
初七日阿桂豐昇額督兵進攻科布曲山梁一帶
賊礮海蘭察督兵先登攻克中路賊寨兜窩官兵
繼之直上科布曲山梁額森特攻破格隆古賊礮
遂合兵至索隆古山乘勝攻破木巴爾捫都斯安
布魯木一帶賊礮一百餘處殺賊番三百餘名
初九日明亮督兵攻佔達撒谷三道山梁克大寨
五十餘處殺賊番二百餘名 十四日明亮督兵
攻破布吉魯達那山梁上下賊寨八十餘處殺賊
番一百餘名賊衆望風奔潰 十五日阿桂豐昇
額督兵攻克甲木爾朗阿古賊礮頭人色木里雍
中迎降遂進兵朗噶克山復攻克噶爾噶木聶烏
等寨下至瀕河逐一剿洗上攻噶占山克嗎爾角
等寨統計奪賊礮四五百座官兵駐噶占山進逼
瑪爾古雷噶 十六日明亮督兵攻克甲維官寨
將河北官兵後路賊寨全行剿洗乃當大頭人達
圖拉得爾瓦擒其土舍雍中旺嘉勒及邁布星根

率番衆五百餘名迎降遂進兵獨松隘大頭人沙
爾尼等均率番衆六百餘名迎降 十九日富德
由噶咱普進兵至馬爾邦斯底博堵庚額特克丹
九寨番衆迎降

四十一年正月十七日明亮進兵至正地卡拉爾
舍斯滿等處番衆俱相繼迎降大金川河北一帶
賊境全行攻克 十八日阿桂豐昇額督兵從朗
噶克進攻派額森特攻喇烏喇山梁海蘭察攻綽
爾丹薩木山梁克之遂據瑪爾古當噶喇卡攻破

四川通志

卷八十二

武備

武功

三

舍齊喇嘛寺藏其頭人當噶拉等復攻雍中喇嘛
寺喇嘛六十餘人投降克其碉卡寨落五百餘所
進逼勒烏圍大頭人布籠阿納木達什阿庫魯迎
降 二十日明亮駐兵巴布朗谷帶兵嚴防阿古
至角底河沿恐賊渡河逃竄富德舒亮帶兵畧地
噶咱爾谷至普爾普等處六十餘寨番衆俱降西
北兩路大兵會合攻圍噶拉依 二十三日大金
川土舍戕害革什咱土司之甲木參乞降將軍阿
桂數其首先殺害土司釀成大事之罪傳諭土舍

頭人及番民等將甲木參正法旋拿獲革什咱土
舍勾引大金川戕害革什咱土司之席中旺加勒
解京伏誅革什咱被擄土婦札什納木于掃蕩噶
拉依賊巢時設計投出奉

四川通志

卷八十二

武備

武功

四

克來營爲索諾木乞降且緩師並拿獻漢奸勾通
兩金川叛逆之張坤忠解赴京都 二月初三日
大金川逆會大頭人丹巴沃雜爾等阻索諾木出
降阿桂豐昇額督兵進攻用大礮毀其官寨 初
四日逆會索諾木跪捧印信帶同伊兄弟甲爾瓦
沃雜爾斯丹巴伊妻布拉克底土女章谷土女大
頭人丹巴沃雜爾阿木魯綽窩斯丹尼瑪噶喇克
巴並都角喇嘛聶喇嘛等大小二百男婦二千
餘人出寨迎降該逆會及助惡大頭人陸續解京

獻俘其帶出番衆二千餘人派鎮將分別查明

理奉

旨兩金川平定後新疆地方改土爲屯

詳屯志

二月十二

日將軍紅旗報捷奉

旨傳

諭將軍阿桂副將軍豐昇額同參贊大臣領隊大臣侍衛

等回京并陸續分撥凱旋兵丁以明亮爲成都將

軍同舒亮萬善善後事宜將軍阿桂

晉封頭等誠謀英勇公

四川通志

卷八十一

武備

武功

三

賈四團龍補褂金黃帶雙眼花翎紅寶石頂副將軍豐昇

額

晉封總勇果毅公竝

賞一等子合伊弟布彥達賴承襲侯豐昇額生子合伊子

承襲明亮

晉封一等襄勇伯參贊大臣海蘭察

晉封一等超勇侯額森特

賞給一等男領隊大臣墜林木係公爵加

歲一等男合伊子承襲和隆武木係子爵

晉封三等果勇侯福康安

賞給三等男豐昇額明亮海蘭察奎林和隆武仍各

賞戴雙眼花翎在事文武有功者五十人圖像於紫光閣

上親爲之贊其餘將領以下分別議敘有差大功告成

御製碑文勒石太學 四月二十五日獻俘於

太廟

社稷侍郎福康安率解俘將校以逆酋索諾木及莎羅

奔岡達克索諾木彭楚克甲爾瓦沃維爾逆目山

塔爾薩木坦布籠普占巴雅瑪朋阿庫魯等皆白

四川通志

卷八十二

武備

武功

三

組繫頸竝面封逆酋僧格桑首級自

天安門入至

太廟街門外置僧格桑首級於地俟承祭王至逆酋索諾

木等北向跪伏承祭王入行禮畢侍郎福康安率

諸將校以逆酋索諾木等及僧格桑首面至

社稷街門外俟承祭王入行禮如前儀 二十六日將

軍阿桂副將軍豐昇額等振旅凱旋至黃新莊恭

請

聖安